



REPUBLIKA E SHQIPËRISË

MINISTRIA E TURIZMIT DHE MJEDISIT

ANEKSI 2

PROCEDURAT PËR PËRFITIMIN E MBËSHTETJES FINANCIARE LIDHUR ME PROJEKTET NË FUSHËN E TURIZMIT

Ministria përgjegjëse për turizmin, nëpërmjet fondeve të parashikuara në buxhetin e shtetit, financon projekte studimi, promovimi dhe edukimi apo modele inovative të produkteve turistike, në funksion të turizmit, të paraqitura nga persona fizikë dhe juridikë, vendas ose të huaj, private apo publikë që kanë në objekt të veprimtarisë së tyre turizmin.

I. Thirrja për aplikim

Shpallet thirrja për përfitimin e mbështetjes financiare në lidhje me projektet në fushën e turizmit, në faqen zyrtare të Ministrisë së Turizmit dhe Mjedisit, në media si dhe në Buletinin e Njoftimeve Zyrtare, sipas formatit bashkëlidhur.

II. Kriteret e pjesëmarrjes

Subjektet pjesëmarrëse duhet të plotësojnë kriteret e mëposhtme:

1. Të paraqesin dokumentacionin e nevojshëm lidhur me statusin e tyre juridik provuar me ekstraktin e rregjistrimit dhe ekstraktin historik, si subjekt, NUIS-in, si dhe dokumentet që vërtetojnë se:

a) Nuk janë në proces falimentimi dhe se kapitalet e tij nuk janë në proces ekzekutimi nga përmbaruesit; (Vërtetim nga Gjykata, Zyra Përmbarimore)

b) Nuk janë subjekt i procedurave për deklarimin e falimentimit dhe nuk ka një urdhër likuidimi të detyruar ose administrimi nga Gjykata, ose nuk ka një marrëveshje me kreditorët, ose ndonjë procedurë tjetër të ngjashme; (Vërtetim nga Gjykata)

c) Nuk janë dënuar me vendim gjykate të formës së prerë për vepra që lidhen me veprimtarinë profesionale si person juridik, ortak apo aksioner i shoqërisë; (Vërtetim nga Gjykata dhe vërtetim të gjendjes gjyqësore)

ç) Kanë përmbushur detyrimet për pagimin e tatimeve, në përputhje me legjislacionin shqiptar ose me dispozitat e zbatueshme në shtetin e origjinës; (Vërtetim nga Tatimet)

d) Kanë përmbushur detyrimet për derdhjen e kontributeve të sigurimeve shoqërore, në përputhje me legjislacionin shqiptar ose me dispozitat e zbatueshme në shtetin e origjinës; (Vërtetim nga Tatimet)

2. Të paraqesin argumente në mbështetje të propozimeve që justifikojnë financimin e projekteve të rëndësishme të paraqitura prej tyre.

3. Të demonstrojnë që janë në gjendje të financojnë 100 % të të gjitha kostove të projektit të propozuar përpara përfundimit të tij, provuar me kopje të certifikuara të bilanceve të dy viteve të fundit, të paraqitura në autoritetet përkatëse dhe raportet e auditit financiar, të certifikuara nga një subjekt i licensuar auditimi dhe kopje të deklaratave të xhiros vjetore.

4. Në aplikimin e paraqitur nga subjektet aplikuese duhet të parashikohen edhe shpenzimet për auditimin e projektit.

Kur aplikuesi është i huaj ai duhet të vërtetojë që i plotëson të gjitha kriteret e renditura me sipër. Nëse dokumentat e sipërpërmendura nuk lëshohen në shtetin e origjinës, atëherë mjafton një deklaratë noteriale me shkrim nga ana e tij.

5. Aplikuesi duhet të paraqesë edhe dokumentet e mëposhtme:

a) Nëse aplikon si person fizik, duhet të paraqitet një CV dhe një portofol i veprimtarisë së aplikuesit.

b) Nëse aplikon si person juridik, duhet të paraqitet një CV e subjektit dhe një portofol i veprimtarisë së tij të deritanishme.

6. Në projektet që do të përzgjidhen, subjektet duhet të përfshijnë:

a) qëllimin e projektit

b) vendin e ushtrimit të veprimtarisë

c) veprimtarinë që do të kryhet

ç) çmimet e referencës për të gjitha aktivitetet që mund të nënkontraktohen

d) mënyrën e menaxhimit të projektit dhe sistemin e monitorimit e të vlerësimit të tij

e) treguesit e verifikueshëm dhe rezultatet e pritshme të projektit.

III. Metoda e aplikimit

1. Formulari i aplikimit (të cilin mund ta gjeni më poshtë në formatin Word ose PDF), pasi të plotësohet, duhet të dërgohet në adresën e emailit: info@turizmi.gov.al brenda orarit zyrtar

E hënë – E enjte 08:00-16:30

E premte 08:00-14:00

[Shkarko formularin docx.](#)

[Shkarko formularin pdf.](#)

Përveç formularit të plotësuar, në këtë adresë nuk duhet të dërgoni asnjë material tjetër.

2. Formulari i aplikimit i plotësuar, së bashku me dokumentacionin mbështetës referuar pikës II, duhet të dorëzohen në tre kopje pranë Zyrës së Protokollit të Ministrisë së Turizmit dhe Mjedisit në Adresën: Bulevardi: "Dëshmorët e Kombit" Tiranë, Albania.

Pas dorëzimit të dokumentacionit shoqërues të aplikimit nuk është e mundur të tërhiqet dokumentacioni nga arkiva e Ministrisë së Turizmit dhe Mjedisit.

2.1 Sipër zarfit të shkruhet qartësisht:

Drejtuar: Ministrisë së Turizmit dhe Mjedisit; Aplikim për përfitimin e mbështetjes financiare në fushën e turizmit; Emri i aplikantit; Titulli projektit

3. Thirrja për kërkesëpropozimet për mbështetjen financiare në fushën e turizmit në Ministrinë e Turizmit dhe Mjedisit është e hapur brenda 30 ditëve nga data 07/10/2021 dhe mbyllet më datën 06/11/2021.

4. Subjekti aplikues në përlogaritjen e kohëzgjatjes së projektit duhet të mbajë në konsideratë afatet që janë përcaktuar për procesin e vlerësimit të kërkesëpropozimeve deri në nënshkrimin e kontratës. Për këtë thirrje, projektet fituese nuk mund të fillojnë para datës 17/11/2021 dhe duhet të përfundojnë deri më 31/12/2021.

IV. Financimi

1. Fondi në dispozicion për këtë thirrje për projektpropozime është 29 139 800 Lekë me TVSH.

2. Për realizimin e projekteve kokurruese turistike, skema e financimit do të mbulojë deri në 50% të kostove të pranura e të miratuara nga Ministria e Turizmit dhe Mjedisit. Projektet për të cilat kërkohet një financim që kalon 50% të fondit buxhetor vjetor të parashikuar në buxhetin e shtetit, miratohen me Vendim të Këshillit të Ministrave.

3. Financimi nga Buxheti i shtetit nuk mund të jepet më tepër se një herë në vit për të njëjtin subjekt konkures.

4. Shpenzimet e nevojshme për shpërblimin e ekspertëve të pavarur do të mbulohen nga fondi buxhetor i parashikuar për mbështetjen financiare të projekteve turistike.

5. Ky fond shkon për projekte që zhvillohen në të gjithë territorin e Republikës së Shqipërisë.

V. Procesi i vlerësimit

1. Procesi i vlerësimit të kërkesëpropozimeve për mbështetjen financiare në fushën e turizmit zgjat 4 ditë pune.

2. Procesi i vlerësimit do të kryhet nga Komisioni i Përzgjedhjes së Projekteve në Turizëm i ngritur me Vendim të Këshillit të Ministrave Nr.325 datë 31.05.2018 “Për përcaktimin e anëtarëve të Komisionit të Përzgjedhjes së Projekteve”.

3. Çdo propozim kalon nëpër dy faza të vlerësimit:

a) vlerësimi i personit fizik/juridik;

b) vlerësimi i projekt-propozimit (formulari i aplikimit të propozimit).

3.a. Në procesin e vlerësimit të personit fizik/juridik që paraqet kërkesën do të merren parasysh:

(i) profili dhe reputacioni i personit fizik/juridik dhe kapaciteti zbatues/menaxhues i tij;

(ii) veprimtaria e deritanishme dëshmon se personi fizik/juridik ka në objekt të veprimtarisë së tij/saj turizmin dhe fushat e lidhura me të;

(iii) misioni i personit fizik/juridik dhe objektivat e veprimtarisë së tij të deritanishme përputhen me politikat dhe strategjitë e Ministrisë së Turizmit dhe Mjedisit;

(iv) personi fizik/juridik ka përvoja të suksesshme me partnerë e donatorë të tjerë;

(v) personi fizik/juridik ka treguar qëndrueshmëri dhe është rritur me kalimin e viteve;

(vi) personi fizik/juridik ka kontribuar në fushën ku operon me produkte të rëndësishme;

(vii) personi fizik/juridik ka kapacitetin në terma të burimeve njerëzore dhe ekspertizën teknike për të zbatuar/menaxhuar projektin;

Kriteret e mësipërme nuk duhet të shkurajojnë persona fizik/juridik të rinj, të cilët mund të përmbushin kriteret e tjera;

3.b. Në procesin e vlerësimit të projekt-propozimit (formulari i aplikimit të propozimit) do të merren parasysh:

(i) projekti i propozuar ka në objekt të veprimtarisë së tij turizmin dhe fushat e lidhura me të;

(ii) objektivat e projektit të propozuar përputhen me politikat dhe strategjitë e Ministrisë së Turizmit dhe Mjedisit;

(iii) problematika e identifikuar është aktuale dhe argumentimi i nevojës për projektin e propozuar është bindës;

(iv) objektivat e projektit të propozuar përputhen me problematikën e identifikuar;

(v) origjinaliteti i projektit dhe cilësia e aktiviteteve të planifikuara;

(vi) aktivitetet e planifikuara përputhen me objektivat e projektit dhe hapat e zbatimit të projektit janë të qarta dhe përfundojnë brenda datës 31/12/2021.

(vii) shpërndarja e resurseve dhe bashkërendimi i punës midis partnerëve është efikas;

(viii) treguesit e përzgjedhur për matjen e rezultateve të aktiviteteve të planifikuara janë të përshtatshëm;

(ix) përpilimi i kostove financiare: kostot janë reale (cmimet janë të bazuara në referenca që aplikanti mund t'i argumentojë) dhe te justifikueshme (raporti kosto/rezultat është i pranueshëm);

(x) niveli i bashkëpunimit me persona fizikë/juridikë të tjerë, si dhe bashkëfinancimi;

4. Komisioni klasifikon dhe përzgjedh projektet në fushën e turizmit brenda 4 (katër) ditëve pune, pas përfundimit të afatit 30 (tridhjetë) ditor të parashikuar për paraqitjen e dokumentacionit nga subjektet e interesuara që kanë paraqitur kërkesëpropozime për mbështetje financiare.

5. Ministri, brenda 3 (tre) ditësh pas paraqitjes së propozimeve nga Komisioni, miraton projektet në fushën e turizmit, të cilat do të përfitojnë financim.

6. Nëse kërkesëpropozimi përzgjidhet nga Komisionin i Përzgjedhjes së Projekteve dhe miratohet nga Ministri, procedohet me njoftimin e aplikuesit brenda 1 (një) dite për nënshkrimin e kontratës.

7. Nënshkrimi i kontratës kryhet nga Ministri ose një person tjetër i autorizuar prej tij.

8. Procesi i monitorimit kryhet nga Ministria e Turizmit dhe Mjedisit pas lidhjes së kontratës dhe fillimit të projektit.

